

Ang Pagpadayag Sa Mga Saad Sa Dios – Apan Unsaon?

“Apan ang maong bahandi ginabatonan namo diha sa mga sudlanan nga yuta, aron sa pagpadayag nga ang labawng gahum iya sa Dios ug dili gikan sa among kaugalingon.”

II Mga Taga-Corinto 4:7

Ang Dios anaa sa Iyang Pulong. Motoo ba kamo nga ang Dios nagatuman sa Iyang Pulong? Matag pulong nga gipamulong ni Jesus mao ang binhi. Sa dihang ikaw magakuha ug gamayng kahoyng kahil, imong itanum ang gamayng binhi sa yuta, ug kini mogitib ngadto sa usa ka gamayng kahoy. Ug imong kuhaon kanang gamayng kahoy nga usa ka pulgada nga katas-on, ug ipahimutang sa gawas. Nahibalo ba kamo nga matag kahil nga inyong makuha gikan nianang kahoy anaa gayud diha niini? Sa pagkatinuod mao kana. Kung dili kini, asa kini gikan? Hunahunaa gayud; adunay gatusan ka mga bakid sa mga kahil nianang gamay nga talipsing nga niana ka daku sa kahoyng kahil, gatusan ka mga bakid sa mga kahil, mga bakid sa mga bulak, mga bakid sa dahon. Kung dili kini, asa kini gikan?

Karon, kanang gamayng kahoy sama lamang kanimo (*Salmo 1:1-3*). Human nga inyong nadawat si Cristo diha sa porma nga gamayng bata, nan kita natanum diha kang Cristo (*ICor. 12:13*). Karon, ang butang lamang niining gamayng kahoy nga buhaton, imo gayud bisbisan kini sa tubig, ug kini magsugod sa pag-inom (*Isaias 44:3*). Ug sa **dihang kini moinom sa iyang gipahat nga bahin, kinahanglan kini moinom ug dugang pa kay niana**. Kinahanglan moinom ug daghan kaayo hangtud nga mopagula kini ug mga sanga. Unya kini magapadayon pag-inom hangtud kini mopagula ug mga dahon. Unya kini magapadayon sa pag-inom hangtud kini makapagula ug mga bulak. Unya magapadayon kini sa pag-inom hangtud kini makapagula ug mga kahil. **Sa tanang panahon naga-inom, nagainom, nagainom.** [1]

Ug samtang ang kahoy nagainom, nagasugod kini sa pagpagula ug mga dahon, nagapagula sa iyang bunga sa matag tuig. Ang bunga wala diha sa yuta; ang bunga anaa sa tanum. Pila ang nakasabut niana, moingon, “amen.” Busa nakita ninyo, ang bunga anaa sa tanum, ug matag tanum kinahanglan magainom sa iyang tuboran. Samtang ang ulan mangatagak, nagahatag sa tanum nga kinabuhi ug mainom. **Ug samtang kini magainom, kini nagatubo.** Ug kini nagatubo hangtud moabut kini sa hingpit nga putot, sama gayud sa iglesia, aron sa pagpamulak dinhi niining kapanahonan. Ug samtang kita magainom, kita magatubo. Apan kung ang tanum dili moinom, nan ang tanum dili motubo. Ug kung kamo motoo gayud niini... [2]

Ug mao kana kamo. sa dihang kita gitanum diha kang Cristo **ang butang lamang nga atong buhaton mao ang pag-inom gikan sa Iyang saad, ug motubo. Ang tanang butang nga imong ginihanglan anaa kanimo sa dihang madawat nimo si Jesu-Cristo, tungod kay si Cristo anaa kanimo** (*Col. 1:26-27*). Ug **kinahanglan nga moinon ikaw gikan sa Iyang Pulong, sa Iyang Kinabuhi, ug motubo.** Oh, oo. Ako mitoo Kaniya nga mao ang Tubig nga moanhi kanato (*Juan4:14*). Siya ang Kinabuhi. Ako mitoo nga Siya mao ang walay pagkahubas nga Tuboran sa Kinabuhi (*Salmo 36:9*), **nga kita natanum gayud diha Kaniya ug mitubo.** [1]

Ug si Cristo namatay alang kanimo, ug ikaw gibalhin sa pagtanum gikan sa kalibutan ngadto kang Cristo (*Gal. 1:4; Efeso2:6*). **Ug tanang butang nga imong gikinahanglan anaa diha gayud kanimo pinaagi sa bautismo sa Espiritu Santo** (*Col. 2:9-10*). Dili ba kana tinuod? Karon, **ang butang lamang nga imong buhaton mao ang pagsugod sa pag-inom gikan niana.** [2]

Ug sa dihang kita natawo pag-usab nga mga alagad sa Dios. Ang Binhi sa Dios natanum sa atong kas- ingkasing (*I Juan 3:9*), kita magapadayon lamang sa pag-inom, pag-inom, ug motubo. **Tanang butang nga imong gikinahanglan anaa diha kanimo sa dihang imong nabatonan si Cristo sa sulod kanimo. Apan ang butang lamang nga imong buhaton mao ang pagpadayon sa pag-inom, pag-inom.**

Ang katawhan walay igong kauhaw. Ang Biblia miingon, “*Bulahan kamo sa dihang kamo gigutom ug giuhaw sa pagkamatarung*” (*Mateo. 5:6*). Sa dihang ikaw uhawon, ikaw moinom. Ug sa moinom ka ug dugang, molambo ka ug dugang. Dugang nga grasya nga imong maangkon, dugang nga gahum imong maba- tonan, dugang pagtoo imong mabatonan samtang ikaw magapadayon sa pag-inom kang Cristo Kinsa mao ang walay pagkahubas nga tuboran sa kinabuhi, nagainom, sa Binhi nga porma. ^[1]

Ug kini mopagula sa tukma gayud kung unsa ang binhi. Kung kini saad, ang Dios nagasaad nga buha- ton kini. Ang Dios obligado sa pagbuhat niini, ug buhaton Niya kini. ^[3]

Kung dili ka makatoo... “Buyno, ako mitoo nga si Jesus nagluwas kanako.” (*Marcus 16:16*). Maayo kana. Nan unsa ang mahitungod sa Espiritu Santo? Toohi nga nga Siya mohatag kanimo sa Espiritu San- to; Iyang gisaad kini ngadto kanimo (*Juan 7:37-39*). Mahitungod sa langitnong kaayohan, toohi kini; Iyang gisaad kini kanimo (*I Pedro 2:24*). **Matag matubsanong mga panalangin imoha; pag-inom lamang, ug inom, ug motubo.** Mao kanang tanan. **Tanang butang nga imong gikinahanglan anaa gayud diha kanimo.**

Sa dihang imong dawaton ang Espiritu Santo, tanang butang nga imong gikinahanglan taliwala dinhi ug sa himaya anaa diha gayud kanimo. Dili pagtoo ang imong gikinahanglan. **Ikaw nakabaton ug pagtoo, kung ikaw nakabaton sa Espiritu Santo, kay Siya mao ang imong pagtoo** (*II Cor. 4:13*). **Apan ang butang nga kinahanglan imong mahibaloan, ang kahibalo sa paggamit sa pagtoo.** Nakita ninyo kung unsa ang buot kong ipasabut? Ug kung kamo lamang nakasabut kung unsaon sa paggamit niini, imong makita ang hilabihan, madagayaon labaw sa tanan nga imong mabuhay, kon sa paghunahuna mahitungod sa Ginoo (*Juan 10:10*). ^[4]

Suginlan ko kamo kung unsa ang hinungdan sa mga Cristohanon karong panahona: **ikaw wala maga- kuha ug balahinon sa pagbautismo kanimo sa bautismo sa Espiritu Santo.** Pagkalos ug pag-inom, ug pag-inom, ug pag-inom, ug pag-inom hangtud imong mapagula ang kaluwasan, mapagula ug Diosnong kaayo- han, makapagula ug bautismo sa Espiritu Santo. Pag-inom lamang, pag-inom, pag-inom. Ug ikaw natanum pinaagi sa walay pagkahubas nga tuboran sa Kinabuhi, nga mao si Jesu-Cristo. Siya nga giuhaw paimna siya, siya nga nagpatalinghug, miingon, “Umari. Bisan kinsa ang buot umanhi ug uminom sa mga tuboran sa tubig sa Kinabuhi” (*Pinadayag 22:17*). Amen. Unsa ka matahum nga panghunahuna mahitungod Kaniya. Ang Dios anaa sa Iyang Pulong. Ang Dios kinahanglan magatuman sa Iyang Pulong. ^[5]

Ug ang tanan nga iyang buhaton mao ang pag-inom ug pag-inom ug motubo, ug moinom hangtud ang matag bunga sa espiritu, matag gasa sa Espiritu, **ang tanang butang nga anaa diha kang Cristo Jesus imoha ug maanaa kanimo alang sa tibook panaw.** ^[6]

Ayaw gayud paghunong sa dihang ikaw magpasakop sa iglesia ug nabautismohan; padayon sa pag-in- om hangtud ikaw makabaton sa pagtoo alang niini, ug pagtoo alang niana, ug pagtoo alang niini, ug motubo **hangtud ang tanan pagpadayag sa Espiritu Santo magapuyo diha sa iglesia.** ^[7]

Ug mao kana ang paagi sa Cristohanon. **Sa dihang ikaw natanum diha kang Cristo** (*I Cor. 1:30*), **ang butang lamang nga imong buhaton mao ang pag-inom.** Makakuha kini sa iyang bitamina gikan sa tubig. Ug ang Cristohanon magakuha sa iyang bitamina gikan sa Pulong. Tungod niana ikaw moinom, moi- nom ug dugang, ug molambo, motubo. mopagula ug kaluwasan. **Motubo pinaagi sa Espiritu Santo.** Motubo, hangtud kanang nabakul nga bukton matul-id. Padayaon lamang sa pag-inom. Moinom. Natanum pinaagi sa walay pagkahubas nga Tuboran sa Kinabuhi (*Salmo 1*). **Si Jesu-Cristo mao ang walay pagkahubas nga tuboran sa Kinabuhi** (*Salmo 36:8-9*). Pag-inom hangtud nga dili kana makainom. Inom hangtud ikaw ma- hubog, aron makalimot ikaw sa tanan nimong teyolohiya ug motoo sa Dios. Ug pag-inom hangtud nga ikaw

mamaayo. Ug unya padayon lamang sa pag-inom. Amen. Ang Dios buhi. ^[8]

Ug kung ikaw natanum diha Kaniya, ang butang lamang nga imong buhaton, **mao ang pag-inom sa Iyang pagkamaayo ug mopagula sa bisan unsang imong gikinahanglan dinhi niining panaw sa yuta. Kining tanan pag-inom, pagpahulay, pakigdait.**

Dili kini ang imong pagpakigbisug ug paningkamot ug pangusog, imong mapildi ang maong katuyoan nga imong girepresentahan sa dihang imong buhaton kana. Ang Cristiyanismo dili usa ka butang. Ang Dios dili mao ang Usa nga imong pakiloy-an, ug paghilakan, ug pagahangyoan, ug pagapuasahan, ug magutom, ug tanang butang nga sama niana aron makakuha. Sa pagkatinuod dili. ^[9]

Ang Pulong sa Dios usa ka binhi. Ang Dios anaa sa Iyang Pulong. Tan-aw Kaniya sa dihang Iyang himoon ang Iyang Pulong mapadayag, sa Iyang mga saad kung unsay Iyang pagabuhaton. Tan-awa ang usa ka gatus ug kaluhaan ka tawo nga midawat sa Pulong sa Dios, miadto hangtud sa adlaw sa Pentecostes, ug nagpaabut hangtud nianang gahum, “*Magpaabut kamo sa syudad sa Jerusalem hangtud masul-oban kamo sa gahum gikan sa kahitas-an*” (Lucas 24:49). Ang Pulong sa Dios mipatidlom ngadto sa ilang kasingkasing ug sila nagpaabut didto. Unsay ilang ginabuhar? Nagalingkod lamang sa palibot nga nagaingon, “Buyno, atong tan-awon kung unsay mahitabo.” Dili ka makatubig niana nga paagi. Kung ikaw moingon, “Buyno, oo, ako mitoo sa Diosnong kaayohan. Oh, seguridad, kini anaa sa Biblia.” Mao kana ang paagi nga makabaton ug kaayohan. **Tingali aduna kay binhi, apan kinahanglan nga tubigan nimo kini. Karon, ang Biblia miingon, “Sa dihang atua sila sa lawak sa itaas, sila nagapanalangin, ug nagapasalamat ug nagadayeg sa Dios”** (Lucas 24:53). Ngano? Nagadayeg Kaniya tungod kay sila nahibalo nga kini moabut, kay sila adunay Binhi diha sa ilang kasingkasing, **ang saad sa Dios.** ^[1] Sila nag-unsang sa lawak sa itaas? Nagahimaya ug nagadayeg sa Dios. Alang sa unsa? Sa saad; nahibalo sila niini nga moabut. Mao kana; lihok. Pagdayeg sa Dios hangtud ang saad matuman. Imong nabatongan ang saad. ^[10]

Kung mapahimutang kini sa imong kasingkasing gayud, ikaw nga anaa diha sa wheelchair, ikaw nga anaa sa higdaanan, ikaw didto nga adunay sakit sa kasingkasing, kanser, ikaw nga anaa sa radyo, sa mga hospital, bisan asa ka man, kung ikaw modawat sa Pulong sa Dios diha sa imong kasingkasing ug tubigan kini uban sa mga pagdayeg ug mga pagpasalamat sa Dios sa paghatag Niini kanimo, kini motubo ngadto sa kahoy sa bisan unsa kini nagrepresenta. Kaayohan, kaluwasan, alang sa bisan unsa man kini, kanang kahoy mamulak.

Apan kinahanglan ikaw moinom. Kinahanglan imong tubigan kini, pakan-on kini, ug patuboon kini. Ug magalabi pa ang imong pagsalig sa Dios... Kung ikaw anaa sa wheelchair, ug anaa sa hospital, ug ikaw naparalisa ug maayo nga dili ikaw makalihok gawas sa usa ka tudlo, padayon sa paglihok nianang usa ka tudlo sa paghimaya sa Dios. Ugma imong malihok ang imong kamot. Sa sunod nga adlaw imong malihok ang imong bukton. Ug ikaw makalihok sa dili madugay kung ipadayon gayud ang pagtubig niini, motubo, mag-anam ug kadaku ug kadaku. Dawata ang Pulong sa Dios. Mao Kini ang Binhi. Sa pagkatinuod mao Kini ang Binhi. Ang Dios mihatag kang Abraham sa saad maingon sa atong pagtuon. Ug si Abraham mipatubo nianang binhi ngadto sa iyang kasingkasing, ang saad, ug nagpadayon sa pagtubig niini sa mga pagdayeg ug pagpasalamat sa Dios tungod sa bata, ug nagapaabut sa kaluhaan ug lima ka tuig. Apan ang kahoy (ang saad) mitungha sa mao gayud gihapon, tungod kay siya nagtubig niini uban sa pagtoo (Roma. 4:19-22). ^[1]

Ang Espiritu Santo nagakaon diha sa Pulong. Ang Biblia mao ang espirituhanon nga pagkaon alang sa Iyang iglesia. Ug ang Espiritu Santo mao ang Usa kinsa magadala Niini ngadto kanimo ug nagabutang Niini diha sa kasingkasing; ug uban sa pasalamat ikaw magatubig Niini. Ug ang matag Diosnong saad mopagula sa tukma gayud kung unsay gisulti sa Dios niini nga buhaton. Kinahanglan nga mabuhatt kini. Mao kini ang Iyang Pulong, ug mao Kini ang Kinabuhi (Juan 6:63). ^[1]

“Kung ikaw motoo nga mahitabo kini...” Kung dili ka motoo niini, dili gayud kini mahitabo. Karon, dili ako makapahimo nga motoo; ni nga ikaw makahimo sa imong kaugalingon nga motoo. Ang Dios kinahanglan magahatag niini kanimo. Usa kini ka gasa sa Dios aron motoo (Efeso 2:8-9). Dili ang imong pagtoo, pagtoo

sa Dios (Gal. 2:19-21). Ang imong salabutanon nga pagtoo tingali motoo niini, apan hangtud ang **pagtoo sa Dios** anaa sa sulod sa imong kasingkasing... (Rom. 10:8-10). Nakita ninyo, ang imong salabutanon nga pagtoo mahimong makadawat niini; **buhata kana ug padayon lamang sa pagtoo niini uban sa tibook mong kasingkasing hangtud ang Dios magapadayag niini ngadto kanimo**. Padayon lamang sa pagtoo niini hangtud ang Dios magapadayag niini (I Pedro 1:13). ^[12]

Ang tanang Pulong nga gipamulong sa Dios, Kini kihanganglan matuman. Ang Dios dili makasulti ug bisan unsang butang nga dili kini matuman. **Sa dihang Iyang gipamulong kini, kini usa ka natuman na nga buhat**. Natuman na kini sa dihang ang Dios namulong Niini. **Ang Dios dili gayud mamulong hangtud Siya andam alang niini nga mahitabo; ug, sa dihang Siya mamulong, sama lamang gayud kini nga nahitabo na**. Karon, kung kana dili magahatag kanato ug basihanon aron mapahiluna ang atong pagtoo. Sa dihang ang Dios magalitok ug Pulong, kini natuman na. Ug unsa ang mahitungod sa Iyang mga saad nga Iyang gihatag kanato? **Tanang butang nga Iyang gipamulong, kini natuman na nga buhat. Busa tungod niana, sa dihang kita modawat sa Iyang Pulong ngadto sa atong kasingkasing, kini natuman na, nakompleto na**. ^[13]

Matikdi, si Rebeka, sa dihang ang alagad ni Abraham, si Eliezer, sa dihang miadto sa pagkuha kang Rebeka, siya misakay sa kamelyo, ang maong kamelyo nga iyang gipainom. Ug siya misakay niining kamelyo aron sa pagtagbo sa iyang dili makita nga pamanhonon. **Ang maong butang nga iyang gipainom mao ang butang nga nagdala kaniya ngadto sa iyang umalabot nga pinuy-anan ug bana** (*Gen. 24:10-27, 61-67*).

Ug mao usab nga butang karong panahona. **Ang maong butang nga gitubigan sa Iglesia**, mao kana ang Binhi, ang Binhi sa Pulong; mao ang maong **Pulong nga nahimong buhi ug magadala kanato ngadto sa atong dili makita nga Pamanhonon**. ^[14]

Reperensya:

[1] "Ipakita Kanamo Ang Amahan Ug Kini Igo Na Kanamo" (59-0419E), par. 33-36, 150

[2] "Usa Sa Usa Ka milyon" (65-0424), par. 84-87

[3] "Jehova Jire" (57-0106), par. 15

[4] "Diin Ako Naghunahuna Nga Ang Pentecostes Napakyas" (55-1111), par. 18

[5] "Ipakita Kanamo Ang Amahan" (54-0811), par. 29

[6] "Ang Pwesto Sa Magtotoo Diha Kang Cristo" (55-0227A), par. 41

[7] "Unsay Buhaton Aron Makadaug Sa Tanang Pagkawalay Pagtoo" (60-0729), par. 54

[8] "Ang Buta Nga Si Bartimeo" (55-0818), par. 15

[9] "Ang Nagtago Nga Tabil" (56-0121), par. 25-26

[10] "Ang Inpluwensya Sa Laing Tawo" (62-1013), par. 153

[11] "Ang Paglubong" (57-0420), par. 54

[12] "Mga Buhat Mao Ang Pagtoo Nga Gipadayag" (65-1126), par. 327

[13] "Kay Mao Kini Ang Angay Kanato Aron Sa Pagtuman Sa Tibook Pagkamatarung" (61-1001M), par. 83-84

[14] "Ang Ikalima Nga Timri" (63-0322), pahina 347-348

Spiritual Building-Stone No. 9 from the Revealed Word of this hour, compiled by:

Gerd Rodewald, Friedenstr. 69, D-75328 Schömburg, Germany

www.biblebelievers.de, Fax: (+49) 72 35 33 06

There's coming one with a Message that's straight on the Bible, and quick work will circle the earth. The seeds will go in newspapers, reading material, until every predestinated Seed of God has heard It. [Bro. Branham in „Conduct-Order-Doctrine“, page 724]